

## ՍՈՒՐԵՆ ՀԱՐՈՒԹՅՈՒՆԻ ԱՎԵՏԻՍՅԱՆ

Մեր հանրապետության փրկիսփայական գիտությունը ծանր կորուստ կրեց. ստեղծագործական ուժերի ծաղկման շրջանում կյանքից հեռացավ ՀՍՍՀ գիտությունների ակադեմիայի փրկիսփայության ամբիոնի վարիչ, փրկիսփայական գիտությունների դոկտոր, պրոֆեսոր Սուրեն Հարությունի Ավետիսյանը:

Ս. Հ. Ավետիսյանը ծնվել է 1932 թ. փետրվարի 6-ին, Աշտարակի շրջանի Օհանավան գյուղում: 1954 թ. ավարտել է Երևանի պետհամալսարանի ֆիզիկամաթեմատիկական ֆակուլտետը՝ աստղագիտություն մասնագիտությամբ: Երեք տարի որպես մաթեմատիկայի ուսուցիչ աշխատելուց հետո սովորել է ՀՍՍՀ ԳԱ փրկիսփայության սեկտորի ասպիրանտուրայում: 1962 թ. պաշտպանել է թեկնածուական թեզը: 1960 թվականից նա գիտական աշխատանք է կատարել փրկիսփայության և իրավունքի սեկտորում, 1966 թվականից աշխատել է Հայկական հեռակա մանկավարժական ինստիտուտում որպես ֆիզիկամաթեմատիկական ֆակուլտետի դեկան, բարձրագույն երկրաչափության և հանրահաշվի ամբիոնի ղեկավար, ինստիտուտի պրոռեկտոր: 1969—1972 թթ. եղել է ՀՍՍՀ ԳԱ փրկիսփայության և իրավունքի ինստիտուտի գիտական քարտուղարը: 1971 թ. Ս. Հ. Ավետիսյանին շնորհվել է փրկիսփայական գիտությունների դոկտորի գիտական աստիճան, 1974 թ.՝ պրոֆեսորի կոչում: 1972 թվականից Ս. Հ. Ավետիսյանը ՀՍՍՀ ԳԱ փրկիսփայության ամբիոնի վարիչն էր:

Պրոֆեսոր Ս. Հ. Ավետիսյանը բնագիտության փրկիսփայական հարցերի խոշոր մասնագետն էր մեր հանրապետությունում: Նրա գրչին են պատկանում շուրջ հիստոն գիտական աշխատություն՝ նվիրված գլխավորապես իմացաբանության, տրամաբանության, մաթեմատիկայի հիմնավորման հարցերին: Գիտական հասարակայնության շրջանում նրան լայն ճանաչում բերեցին հատկապես «Տարածության և ժամանակի պրոբլեմը հարաբերականության տեսության լույսի տակ», «Մաթեմատիկական և իրականությունը», «Մաթեմատիկական տրամաբանության հիմնական տարրերը», «Իմացաբանականի և տրամաբանականի հարաբերակցությունը մաթեմատիկայում գրեթե, որոնք մնալուն արժեքներ են մեր փրկիսփայական մշակույթի մեջ: Գիտության և մշակույթի առնչություններին, գիտնականի հասարակական կոչման խնդիրներին նվիրված նրա հոդվածները ստորգրված են քաղաքացիական մեծ պաթոսով: Նրա գիտական կավարժական գործունեության մեջ առանձնահատուկ տեղ էր գրավում ասպիրանտների հետ կատարած աշխատանքը: Նրա անմիջական ղեկավարությամբ գիտական աստիճաններ են ստացել բազմաթիվ երիտասարդ գիտնականներ: Ս. Հ. Ավետիսյանը գիտության անխոշ պրոպագանդիստ էր, ակտիվորեն մասնակցում էր հասարակական-քաղաքական կյանքին՝ ցուցաբերելով բարձր գաղափարայնություն և կուսակցական սկզբունքայնություն: Լայն հասարակայնությունը նա հայտնի էր որպես «Գիտության աշխարհում հեռուստատեսային հաղորդաշարի հեղինակ և հաղորդավար: Մեծ նվիրումով նա մասնակցում էր շախմատի սովետական հանրագիտարանին ստեղծմանը:

Կոմունիստ գիտնականի, աղնիվ քաղաքացու, անզուգական ընկերոջ հիշատակը միշտ վառ կմնա նրան ճանաչողների սրտերում:



ՀՍՍՀ ԳԱ ՓԻԼԻՍՈՓԱՑՈՒԹՅԱՆ ԵՎ ԻՐԱՎՈՒՆԹԻ ԻՆՍՏԻՏՈՒՏ  
ՀՍՍՀ ԳԱ ՓԻԼԻՍՈՓԱՑՈՒԹՅԱՆ ԱՄԲԻՈՆ